

REPUBLIC OF KIRIBATI

MANEABA NI MAUNGATABU



THE MACE/TE KAI AE MIMITONG



Te Mwaaka

Te Mace bon te kai ae kabonganaki n te Maneaba ni Maungatabu bwa kanikinaean mwaakan ao mwiokoan te Tibiika n te Maneaba ni Maungatabu.

Rongorongona

E kabonganaki te Mace n taian Auti n Tei n te aonaba ao n aban te kaomwanwareta. E karaoaki aio bwa kaotan mwakan te Uea n Aine inanon taian Auti n Tei n karaoi babaire. Ngkai e a tia n inaomata Kiribati man iaan ana babaire te Uea n Aine ao e a riki ngkanne te Mace bwa rabwatan te mwaaka anne n te Maneaba ni Maungatabu ike e a kona iai te Maneaba ni Maungatabu ni karaoi babaire ibukiia te botanaomata iaon Kiribati

Tein rabwatan te Mace

Te Mace ngkoa are e kabonganaaki n ana Auti n Tei Kiribati are I Bairiki bon katotongan kanoan te kati ni buaka n tain te korone. Te Mace ae kabonganaaki ngkai bon katotongan rabwatan aia kainibuaka kaain Kiribati ae te maran ao e karaoaki rabwatana man te kooro.

Bongan te Mace

Ni katoa moanan te bowi n te Maneaba ni Maungatabu ao e uotaki te Mace nako nanon te Maneaba ni Maungatabu iroun te Buretiman ao n katokaaki iaon ni nnena. E na toka te Mace iaon te moan bao mai ieta ngkana e waaki ana bowi te Maneaba ni Maungatabu ao e na toka te Mace iaon te kauoua ni bao mai inuuka ngkana e komete te Maneaba ni Maungatabu. Ngkana e toka te Mace ni nnena ke iaon te bao ao e kaotia ngkanne bwa te Tibiika ngaia ngkanne ae mena irouna te mwaaka. Tabon te Mace riai n taainako n kotea ana itera te Tautaeka are e tekateka iangatain te Tibiika.

